

das warm vnd wol gefeynit sey / zertreib das vntereinander / vnd stos darein tüchlein / legs auff die lincken seitten / Odder nym ein Gevers hirn / vnd trinck das.

Fur das Stechen.

Nym Fehdistel / vnd etwas minder Saluey / stoss mit wasser vnd trinck's / so das wehe kömmet.

Fur alte Grymmen / vnd dem der magen erkalt ist.

Nym Baldrian / send yhn ynn wein / trinck's nüchtern / Odder nym Baldrian mit halbem pfeffer gepulvert / isse des warynnen du wilt. Item / nüssschelffen von haselnüssen / derr sie wol / stoss zu puluer / neus des.

Ein anders fur den Grymmen.

Nym Garthageny / behalt yhn vber iar / so dir der brech thut / so streyff der bletlen odder des samens ynn ein löffel / vnd trinck's yn einer brüe odder wein / odder schmir dein leib mit Coröl auswendig / es hilfft.

Fur das Bezwang.

Wem der gezwang thut / der sol sehr gesaltzens vnd wolgesotens wasser trincken. Wer nicht stül mag haben / der werm schmaltz vnd hönigsam ynn einer pfannen / vnd nem ein speck eins fingers dick / tunc's darein vnd stos es also warm yn den hyndern. Odder mach ein suppositorium / Nym rücken mel vnd als viel saltz / zureibe das zu wasser / vnd mach zepflein daraus / las sie an der sonnen odder sonst dorren / vnd stos ynn schmaltz / so letzet es nicht / thu der eins ynn hyndern. Odder nym honig vnd saltz / send das ynn einer pfannen / bis es hert wird / mach zepflein darvon / vnd stos vor ynn baumöl odder leinöl / vnd behalts / Auch magstu zepflein machen aus einer weissen rohen ruben / vnd yn hyndern thun. Vnd so einer die Kur hette / sied er das Kraut von weissen ruben / vnd legs also warm auff den bauch / es verstehet.

Fur die